

Kei hea ra, e, a Te Huki,⁶
 Te tangata i whakamaui ai, e,
 I te waikowhai,⁸
 Koko atu a Puriri.⁷
 Me aha koe, e tama e i,
 He hurihanga⁹ waka taua, e i,
 Ko Mahuhu¹⁰ ki te wai.
 Pokaia i te tuanui o te whare o Nukutawhiti,¹¹ e i,
 Ka marama te ata.
 Kei runga Te Koikoi¹² i a Rona, e i,
 Kei te marama nui,
 Kei te marama hua ki te pae ra.
 Ehara ko matua¹³ hautere tena
 Kei te ra e mau ana, e i.
 Ko tou mata tena, ko te mata o Tawhaki¹⁴
 I tuhia ai, rapa ana i te rangi
 Tukutuku¹⁵ wai karere, e i.
 Kia whaia atu to reo¹⁶ kirikiri,
 Whakarei¹⁷ te whatu, e,
 To tapuae nui ka haruru ki raro ra, na i.

Ko wai rawa he tangata hei noho mo to whenua, e i?
 Ko Tuturiwhatu,¹⁸ ko Torea,
 Ko nga manu matai¹⁹ whanga o te uru, e i.
 Me puhata²⁰ koe te ngaru moana nui,
 E ngunguru mai nei.
 Me aha, e tama e, he turanga riri.
 He turanga pahekeheke;
 Ka pa taua, e i,
 Ko te toa whenua i to matua i a Tuohu,²¹
 E kore e taea e taua.
 Mahi atu taua ki te tukou²² no kai, e,
 E nohoia mai ana e te muharu;²³
 Mahi atu taua ki te tukou no Rongo,²⁴ e.
 E nohoia mai ana e te hotete.²⁵
 Kahore ia nei, e, ko te tohu o te mate.
 Whakapiri noa ake taua, e,
 Nga rakau tuhaha²⁶ i a Karawai²⁷ ra, e,
 Hei hunanga atu mo Reremura²⁸
 Ki reira nei, na i.

E kore koe e ora, e i,
 I nga hau o te tiu e aia nei
 Te puputara²⁹ ki uta, na i.

¹Rae:—Ko Raeroa; kahore ana uri i puta ki te ao.

²Taputapuatea:—He nohanga ariki.

³Maunganui:—He maunga kei te one i Ripiro, e kiia nei e te pakeha ko Maunganui Bluff. Ko te rohe whakateraki tera o Ngati-Whatua. Ko te rohe tenei, ko Maunganui, Tutamoi, te taha hauauru o Tangihua. Mangawhai, ki te taha whaka-te-tonga o Whangarei. Ko Tamaki te rohe whaka-te-tonga.

⁴Ati-Puhi:—Ko Nga-Puhi.